



## **Universitätsbibliothek Paderborn**

### **Historiae Ecclesiasticae Pars ...**

Historiae Ecclesiasticae Pars Secvnda, Qva Continentvr Socratis Scolastici  
Constantinopolitani lib. 7. Theodoriti Cyrensis episcopi lib. 5

**Christopherson, John**

**[Köln], 1569**

De Iuliani Imperatoris in Persia caede. Cap. XX.

**urn:nbn:de:hbz:466:1-12704**

tiendi genus, qui sunt expertes corporis, in corpore imitatus, cum esset de Iuliani minis certior factus, longe attentius preces deo omnium moderatori adhibuit. Atque eodem ipso die, quo Julianus interfactus est, quanquam iter viginti dierum & amplius aberat ab exercitu, eadem eius inter precandum cognouit. Nam ferunt eum dum dominū clementem & benignum supplex oraret, de repente fletum repressisse, & effusum in lētitiam exultasse gaudio, hilariq; vultu cœpisse intueri: qua re voluptas quam capiebat animo, manifestò declarata est, Quem familiares eius cum ita mutatum cernerent, orasse ut causam lētitiae ipsis indicaret: eum autem respondisse, aprum sylvestrem, hostem vineæ domini, debitas scelerum in Christum admislorum pendisse pēnas, & mortuum iacere, ne amplius Christianis insidias struat. Quibus cognitis, omnes triumphare gaudio, & hymnum, quo deo gratias agerēt, cantare cœperūt. Postea autem facti erant certiores ab illis, qui mortem eius nunciabant, sceleratum illum tyrannum extinctum eadem die ac hora, qua diuinus ille senex Julianus eum cecidisse & cognouerat & prædixerat.

*De Iuliani Imperatoris in Persia cæde.*

CAP. XX.

**I**Stius tyranni temeritatem mors eius apertissimè declinavit. Nam trāsmislo flumine, quod Romanorum à Persarum diuidit imperium, & exercitu traducto, cōfestim incendit naues, quō milites ad bellum gerendum non persuadendo impelleret, sed necessitate cogeret. Verum optimus quisque dux milites suos animorum alacritate cōpere, & si eos animis cadere fortè viderit, verbis confirmare, & ad spem erigere solet. At iste contrā, nauibus quibus in reditu flumen transirent, incensis, spem illico salutis præcidit. Quinetiam cum commeatus militibus necessarius vndique conquiri, & ad exercitum comportari debuisset, sapiens iste neque domo secum aduehi iusserrat, neque hostium agris depopulatis, satis magnam alimenti copiam illis suppeditauit. Nam relicto solo culto & habitato per in-

cultum

## THEODOR. HISTOR.

cultum & desertum copias traduxit. Ibi milites non modo potionē & cibo , verum etiā ducibus itineris destituti, atque in loco etiam solitario oberrantes,cōpere tandem sui imperatotis inscitiam perspicere . Deinde cum quererētur & ingemiscerent, ex improuiso eū vulneratum offendunt, rabie contra conditorem suum furentem , Martem bellacosum ipsi,vti promiserat,auxilium minime tulisse:Appolinem falsa vaticinatum esse:Iouem denique fulminantem non in suum interfectorem fulmen torsisse . Itaq; qui antē minas insolenter iactauerat, iam miserè humi proiectus iacuit . Attamen qui debitam illam plagam ei imposuerit,ad hodiernum usque diem à nemine pro certo cognitum est. Nam alij à quodam sensum oculorum effugiēte incusiam, alii quandam ex Ismaelitis,qui Nomades appellantur,eam inflixisse,alii à milite,qui famis & solitudinis molestias ægrēferebat,illatam dicunt . Verū siue homo,siue angelus ensem in eo fixerit, constat sanè eum , qui facinus commisit,diuinæ voluntatis administrum fuisse . Ferunt porro ipsum tyrannum,simul ac plagam acceperat,manum protinus sanguine impleuisse , illumque proiecisse in aerem , ac dixisse: Vicisti Galilæe, & simul tum confessum esse victoriā , & blasphemiam(adeò enim à mēte abalienatus erat)in Deum impudenter locutum.

*De præstigiis apud Caras post interitum eius  
deprehensis. C A P. XXI.*

**P**ost huius tyranni cædem, fraudulentæ præstigiarum suarum machinæ manifestò deprehensæ sunt. Nam cum stolidus ille per Caras urbem , quæ etiam adhuc multas impietatis reliquias retinet , iter faceret , relicta ad lœuam Edessa,vtpote pietate & vero Dei cultu præclarè ornata,ingressus in delubrum,quod apud impios in maximo honore erat,iubet portas , postquam in eo nefanda quædā mysteria cum sceleris sui sociis obiisset,nō obserari solum, verum etiam obsignari,& milites quosdam eas assiduè obseruare,ne quisquam donec ipse reuerteretur,intraret . At postquam nuntiatum erat eum esse mortuum, & piūm imperatorem impio successisse , quidam in illud delubrum introeūtes,